

易

學

啟

蒙

補

易學啟蒙補卷下

臣梁錫璵著

天不愛道。圖書並出。聖人有作。三易垂文。尚矣。禹則書序疇箕子衍之。而先儒闡其義幾備。第書數與圖數。其所以異同之故。猶未明也。至連山歸藏。其書既軼。元儒朱氏元昇作三易備遺。其約八卦爲六。非周易要義。況易歷四聖。何容贅乎。連山仍用先天卦。而艮居西北。與首艮建寅之義無與。歸藏以六甲配卦。而納音出焉。爲律呂之始。其理粹然至正。其數不假安排。洵足備歸藏之遺。但朱氏所論。雖大醇而未免小疵也。圖書同源而異派。三易異用而同歸。歸藏以納音而得。連山亦可以

納甲而求。而周易之先後甲庚。其可見之緒也。爰不揣
冒昧。謹以管窺之愚。附其義於後云。

洛書序義

周書洪範曰天乃錫禹洪範九疇彝倫攸敘



河出圖。犧文因而作易。易具陰陽之義。蓋以明道也。洛出書。禹箕因而作範。範敘彛倫之法。蓋以開治也。圖數體也。書數用也。體備生成。用含經緯。圖之一至五。奇耦各有生。六至十。奇耦各有成。奇耦相對而立。順行而各有合。造化之自然也。書之五。經也。一二三四六七八九。緯也。五以奇居中。一三七九以奇居四。正。二四六八以耦居四偏。奇耦相間而立。前乎五之一三四。順以布之。後乎五之六七九。逆以合之。二錯居後。八錯居前。而皆統於中。人事之權衡也。圖外圓象天。中方象地。書外方象地。中圓象人。地成於十而

書無十。乃四方四隅相對各成十。合之中五。縱橫皆成十五。蓋卽河圖中宮五十之數乎。故象地也。地道無成。故圖所主者天也。道出於天也。書所主者人也。治成於皇也。作易而推其原曰。易有大極。作範而舉其綱曰。建用皇極。皇極本於大極。而有不同。大極居先而生儀象。皇極居中而貫終始。大極無象無數。皇極則有象有數。皇其象也。五其數也。五爲序而非數。然八疇之數皆其數。數不越乎五也。一五行。二五事。四五紀。與九之五福。不待言矣。三八政。食象水。貨象火。祀象木。司空象金。司徒象土。而內政備。有不率則

脩刑司寇。反而用之也。賓而外政備。有不共則奮武。師亦反而用之也。治內詳。治外畧。以一而當五也。反而用之者各一。亦以一而當一也。六三德順以正直。治以剛柔。行所無事。故用一。抑揚各異。故用二。蓋析之有五者。約之爲二。總之則一。試觀五行不外陰陽。而實一體。可以知九疇之數矣。七稽疑。卜五象五行。占二具陰陽也。八庶徵。事有得失。故徵有休咎。兩其五也。九之六極。合壽與考。終命而一之。反之以凶短折。分康寧而二之。反之以疾以憂。卽攸好德而岐之。反之以惡以弱。極雖六。與五福反。則仍爲五也。本之

五行脩以五事。施於八政。順乎五紀。皇極所以立也。猶恐張弛未宜。以三德權之。世猶恐人謀未精。以稽疑叩之神。猶恐脩省未至。以庶徵察其應。猶恐勸懲未備。以福極著其報。皇極所以行也。所以立。故一三四順以布之。所以行。故六七九逆以合之。乃二八交錯者。皇極之建實由五事。身之貌言視聽思與天之雨暘燠寒風呼吸相通而往來相應。蓋九疇之關鍵在是也。圖書卦由先天而變後天。書序疇由後天而合先天。圖以陰陽變合而五行具。畫而爲卦。先天五行渾於陰陽而居生。後天陰陽顯爲五行而乘王。由

生而王。天道乃備。天道備而人事起。卦與疇。其天人之交乎。故後天總八卦爲五行。而疇之初一卽曰五行。五行之物各有生成。在天不得不分。五行之用隨處皆是。在人缺一不可。次二以下皆本五行以爲用。故曰五行不言用。無適而非用也。乃初一全舉之。次二以下因全用之。而一至九又似分取之何也。蓋全舉者五行之物。分取者五行之數。物其實體。數其節奏。各有當也。一二三四五應五行之生數。六七八九應五行之成數。未過中主生。已過中主成。生則順布。疇之次與卦之數多同。成則逆合。疇之次與卦之數

迥異。蓋過中則變也。乃卦位不變者。天以無心成化。順行而生生不已。聖以有心合天。或順或逆或錯而生克互用。故卦之坎居子。其數兼一六。疇之初一亦居子。卽坎也。五行爲九疇之本。水尤五行之始。一卽水之生數也。範以開治。本五行以治天下者。政然。政之本在身。故先以五事。由子至寅爲艮。艮本中五。納於坎。其數仍一。土克水而水生木。用克爲生。天運之成終而成始也。止之力也。脩身何遽言止。艮坤同氣。故通艮於坤。卦之坤居申。納於離。其數二。疇之次二。因錯居申。卽坤也。坤順生敬。聖學之要也。地順役帝。

皇敬脩身。脩身所以事天也。一也。故曰敬用五事也。由申就順布之位。卦之震居卯。其數三。疇之次三亦居卯。卽震也。範之大用在八政。故卦得其數。疇得其次。獨爲合也。帝出而生萬物。政行而生萬民。一也。政有八而食爲急。故曰農用八政也。政之行在時。故繼以五紀。順行至巳。卦之巽居巳。其數八。疇之次四居巳。亦卽巽也。巽爲木之齊而數八。卽爲金之生而次四。四未過中。而疇之次與卦之數異者。陽亢於巳。雖未變而變之機伏於此。故巽木生火而克金。乃金卽生於巳。天道所以流行而不已也。故曰協用五紀也。

圖數一二三四五七八九外運成天。五十內凝成地。天自天地自地。故外運者由巳而上至午。則帝之相見乎離也。皇以敬天爲義。嚮明而非敢用明。故由巳而約於中。中五艮數也。敬用者至是。則坤艮合。可以言止矣。故有建義也。圖以五十爲中。而納於坎離。地統於天之義。書以五爲中。惟王建國。辨方正位。以立民極之義。不可繫卦而直以極名。故曰建用皇極也。由是下入於亥。與巳對而逆合之。卦之乾居亥。其數九。疇之次六居亥。亦卽乾也。乾爲金之成而數九。卽爲水之出而次六。金剛其體水流其用乎。繼極之建

而體立用行。故言又又在因民。三德備矣。故曰又用三德也。惟辟作福。作威玉食。固乾剛之獨運也。由亥遯酉。與卯對而逆合之。卦之兌居酉。其數四。疇之次七居酉。亦卽兌也。兌爲金之凝。而數四。卽爲火之藏。而次七。火入金方。象日沒於酉。外雖幽而內則明。稽疑者。政之疑。其言內。內政也。外。外政也。靜則守舊也。作則創新。或變法也。故曰明用稽疑也。夫由五事而八政。則五紀三德稽疑。蓋皆用之政。然政本於事。政之應罔非事之應。故至申爲坤。而休咎之徵見於是。是豈盡皇之故哉。天之氣數難齊。人之感召非一。然

皇固天人之主。值其休也。歸之已。值其咎也。或責命於天。或委過於下。豈君道乎。故引坤反艮卦之艮居寅。疇之次八。因錯居寅。亦卽艮也。非木生之時而純用克。土克水而數一。木克土而次八。反而自克者。其念乎。如洚水而曰傲子。萬方有罪而曰罪在朕躬也。故曰念用庶徵也。由是上至午。與子對而逆合之卦之離居午。其數兼二七。疇之次九居午。亦卽離也。離爲火而數二七。卽爲金之伏而次九。九則疇之次周而卦之數備。休咎之應於天者。且降而集於人。而福極之報成於是。然福極由天。皇何由用之。蓋金伏火

位有道爲福。失道爲極。其道則建極也。建用土德。足以承火而毓金矣。皇以建極。歛福者用之。已。威福不忒者用之。世至久。道化成。而天鄙咸爲仁壽。所謂錫福也。故曰嚮用五福。威用六極也。夫八疇外列。賴中以聯之。故皇極旣建。一九成十。而五統之。其次於坎離者。卽乾坤乎。乾坤括卦之終始。一九括疇之終始也。五行質具於地。氣行於天。和爲福。沴爲極。聖人上下同流。可有福而無極矣。蓋卽天地定位也。二八成十。而五統之。其次於坤艮者。卽震巽乎。震巽爲闔闢之始。二八爲感應之先也。五事修之吉。悖之凶。聖人


盛德在躬。可有休而無咎矣。蓋卽雷風相薄也。三七成十而五統之。其次於震兌者卽坎離乎。坎離爲卦之大用。三七爲疇之大用也。八政旣謀之人。復謀之神。聖人道協大同。斯政成而無疑矣。蓋卽水火不相射也。四六成十而五統之。其次於乾巽者卽艮兌乎。艮兌具吐納之用。四六酌張弛之宜也。五紀運行有常。而民風淑慝不一。聖人觀天觀民。斯因時而成治矣。蓋卽山澤通氣也。以五統疇。則極建於皇者符於大極。是以合先天也。

連山遺義


連山者。神農本後天圓圖而作。夏后氏因以建寅也。卦首重艮。名連山。連山亡久矣。然後天圓圖在焉。其理未亡也。蓋時行物生之樞在二土。艮聯水木。坤接火金。化機不息矣。說卦分闔闢之限。體立自行。故表震出。連山究動靜之機。畜極則通。故取艮始。其立義異。其卦位同也。夫土居中宮。而艮次坎。坤次離。蓋納甲之義乎。納甲所從來遠矣。周易闡其精於蠱革巽之三卦。而連山遍用於分宮。先天八卦相錯。體也。後天八卦分宮。用也。分宮之用。出於相錯之體。先後天

轉移之妙也。世儒不詳分宮之故。猥以卦變汨之。則重艮之爲首不可見。不究納甲之原。徒以參同契之月受日明者當之。則建寅得四時之正者其義猶未明也。謹稽之先後天卦。協之幹枝。爲圖立說。庶以備連山之槩云爾。

先天八卦立體圖



圓圖具分宮 新圖



方圖具分宮 新圖

否 世遊乾世訟離魂姑乾世无妄 同 離魂履 乾 本體

萃 世咸兌世困兌世大過震魂隨震魂革 兌 本體夬

晉 乾魂旅離世未濟離魂鼎離世噬 離 本體睽 大有 乾魂

豫 震世小過震魂解震世恆震世震本體豐 歸妹 震魂姤

觀 乾世漸 渙 震世巽 益 家人 中 孚 畜

比 蹇兌世坎 井 震世屯 既 濟 節 需

剝 乾世艮 蒙 離世蠱 頤 賁 損 畜

坤 謙兌世師 升 震世復 明 夷 臨 泰

否 遯 訟 姤 姤 姤 同人 履 姤 乾

萃 咸 困 遁 隨 革 兌 夬 坤 姤

晉 旅 未 濟 鼎 噬 噬 離 睽 姤 大有

豫 遁 解 恆 震 豐 姤 歸 妹 大 壯 姤

觀 漸 姤 渙 巽 本體 益 姤 家人 姤 姤 姤 姤 姤 姤 姤 姤

比 坤 姤 蹇 坎 本體 井 屯 坎 姤 姤 姤 姤 節 坎 世 需 坤 姤 姤

剝 艮 本體 蒙 蠱 姤 姤 頤 姤 姤 賁 艮 世 損 艮 姤 姤 大畜 艮 姤

坤 本體 謙 師 坎 姤 升 復 坤 世 明夷 姤 臨 坤 世 泰 坤 世

八卦盪爲六十四卦。其內體乾者皆乾宮。而兌離震亦如之。內體坤者皆坤宮。而艮坎巽亦如之。乾與坤對。震與巽對。坎與離對。艮與兌對。陰陽分立之象。分宮之由。則以乾與坤偶。震與巽偶。坎與離偶。艮與兌偶。故乾兌離震在左。而自一世以至游魂皆在右。巽坎艮坤在右。而自一世以至游魂皆在左。陰陽相求之義。本宮之重卦爲本體。體至上始成。故皆以上爲世。乾求坤。由巽艮而入一陰二陰。始至三陰。其路也。故一世姤。二世遯。至三世之否。入坤宮矣。四世觀。五世剝。以至游魂之晉。皆在坤宮。游者將反之意。合以

相交。分以存體。故不上而游。游而寄四爲離。故世在四。乾下入於坤。必由炎上之離而始可反。離亦左方之卦也。由離歸乾宮而爲大有。故世在三。乾屬金。一世以至游魂。皆乾之所經而化爲金。故與本體之乾歸魂之大有。皆屬金。坤求乾。由震兌而入。一陽二陽。始至三陽。其路也。故一世復。二世臨。至三世之泰。入乾宮矣。四世大壯。五世夬。以至游魂之需。皆在乾宮。游而寄四爲坎。故世在四。坤上入於乾。必由潤下之坎而始可反。坎亦右方之卦也。由坎歸坤宮而爲比。故世在三。坤屬土。一世以至游魂。皆坤之所經而化

爲土。故與本體之坤。歸魂之比。皆屬土。震巽屬木。坎屬水。離屬火。艮亦屬土。兌亦屬金。其相求也亦然。乾兌巽坎之位在上。求其偶皆由上而入。離震艮坤之位在下。求其偶皆由下而入。乾之反由離。離之反亦由乾。坤之反由坎。坎之反亦由坤。震動巽散。艮止兌說。故震入巽宮。動者復散。必由兌之說而始可反。兌亦左方之卦也。巽入震宮。散者復動。必由艮之止而始可反。艮亦右方之卦也。震之反由兌。兌之反亦由震。巽之反由艮。艮之反亦由巽。八卦自然之機括也。圓圖以左右相求。方圖以上下相從。其義一也。

後天八卦入用圖
後天艮居寅。重之。則為連山。而夏
 正因之建寅。邵子以後天屬文王。
恐未然矣。
 義詳序卦。

離

震

兌

乾

坎


巽

艮

坤

圓圖分宮 新圖

圖




方圖分宮 新圖

坤本體比坤歸魂需游魂兌本體歸妹歸魂遯乾世姤乾世乾本體
復坤世大壯坤世夬坤世困兌世小過歸魂否乾世觀乾世大有乾歸
臨坤世泰坤世萃兌世咸兌世蹇兌世謙兌世剝乾世晉乾歸
同人歸魂訟歸魂渙離世蒙離世既濟坎世屯坎世節坎世坎本體
離本體旅離世鼎離世未濟離世革坎世豐坎世明夷歸魂師歸魂
頤歸魂噬嗑歸魂井震世升震世恆震世解震世損艮世大畜艮世
蠱歸魂无妄歸魂益巽世大過歸魂豫震世履艮世睽艮世賁艮世
巽本體小畜巽世家人巽世隨震歸震本體中孚歸漸艮歸艮本體

先天八卦相錯。因有六十四卦圓方圖。後天止有八卦圓圖。連山何云首重艮。似應有首重艮之圓圖。帝主時。物言方。似應兼有首重艮之方圖。今依分宮之法。卽八卦之本體。自一世至五世。而游魂而歸魂。皆按其次而合於一。則八卦依後天之序。而六十四卦依分宮之序。圓圖旣一氣流行。方圖亦經緯交錯。而內外相應矣。重艮恰在東北。謂之連山意。以此乎。

先天納甲圖



八卦乾震坎艮爲陽。坤巽離兌爲陰。十幹甲丙戊庚壬爲陽。乙丁己辛癸爲陰。先天左之乾震中包兌離。右之坤巽中包艮坎。陰陽之體互相含也。而陽卦納陽幹。陰卦納陰幹。陰陽之分不相假。其序亦不容紊也。乾上坤下有統括終始之義。故乾內體納甲。坤內體納乙。艮次坤。然陽卦也。故次乙而納丙。兌坎乾。然陰卦也。故次丙而納丁。坎次艮。亦陽卦也。故次丁而納戊。離次兌。亦陰卦也。故次戊而納己。震次離。然陽卦也。故次己而納庚。巽次坎。然陰卦也。故次庚而納辛。由是乾外體納壬。坤外體納癸。

後天納甲 新圖

坤生初陰
納甲
丙
丁
戊
己
庚
辛
壬
癸

丁生於酉
納甲
戊
己
庚
辛
壬
癸

坎

乾生初陽
納甲
甲
乙
丙
丁
戊
己
庚
辛
壬
癸

離
丙
丁
戊
己
庚
辛
壬
癸

戊己

戊己居中而
坎離通當上
下之中坎中
陽故納戊離
中陰故納己

坎子

震成於子而
辛生與巽互
換故巽納辛

艮

震
庚
辛
壬
癸

震

震卯

乾出乎震
坤與外體也
外體故納

巽
甲
乙
丙
丁
戊
己
庚
辛
壬
癸

十幹屬天。天運而無迹。十二枝屬地。地靜而有常。運而無迹者。必以靜而有常者爲依。故納甲於先天明其分。著其序矣。必至後天而始有以得其位。盡其蘊窮其變焉。周易蠱彖繫甲。革彖繫巳。巽爻繫庚。實依地枝爲義。蠱下巽上艮。艮位寅而甲卽寅也。革下離上兌。離兌之介有坤。坤卽巳而位申也。巽位巳。庚生於巳。而見於申。故不繫於彖。而繫於外體之五也。十幹戊巳爲中。甲乙丙丁在前。其納於卦也。納於其生之本位。庚辛壬癸在後。其納於卦也。互換而納於其生之對宮。蓋中爲陰陽交。則陽中有陰。陰中有陽。故

過中而變也。甲位寅。先甲三日則亥。甲生於亥。乾宮也。故乾內體納甲。乙生於午。午爲陰始。則坤初也。故坤內體納乙。丙生於寅。艮位也。故艮納丙。丁生於酉。兌位也。故兌納丁。戊陽土而居中。而坎則陽在中。故坎納戊。己陰土而居中。而離則陰在中。故離納己。庚生於巳。本巽位也。過中。故與震互換而納於震。辛生於子。坎位也。乃子爲陽始。震體成焉。辛本納於震。與巽互換而納於巽。壬生於申。申爲三陰。故坤見於申。是坤體既成。進而用事也。與乾互換而乾外體納壬。癸生於卯。震位也。帝出乎震。爲乾之外體。與坤互換。


而坤外體納癸。乃巽既與震互換而巽五仍繫庚者。陰卦用陰幹。則柔而不能立。雖與震互換而仍用庚。從陽而用震也。且蠱用甲。巽用庚。革用己。皆以復於乾也。蠱下巽。一陰生而乾體初變。上艮。二陰長而乾陽僅存。先甲三日得亥。則乾也。故曰終則有始。天行也。巽爲陰始。用震變巽。乾體可全。後庚三日得亥。亦乾也。故曰无初有終。革下離。離本先天乾位。以中虛而氣將散。得土毓金而上體成兌。兌乾同氣。由兌以歸乾也。治蠱之壞更巽之弊。善革之道皆非乾不可。故曰大哉乾乎。

參同契月受日明圖



納甲出於易。世用其法而昧其自。遂云出於參同契。不知易發造化之秘。其義無所不包。契就月受日。明爲術。以陰反陽之義。況月出庚而有震象。是庚納震。非震納庚也。然惟震納庚。故庚納震。易其源也。契其流也。

卦爻配幹枝圖



卦爻配幹枝而枝爲重。子寅辰午申戌爲陽。丑亥酉未巳卯爲陰。陽順行而御陰。陰逆合以從陽也。乾起子。震亦起子。長子同體於父也。震起子。坎起寅。艮起辰。兄弟之次也。坤不起丑而起未。西南得朋。以統陰爲義也。巽不起未。女無嗣母之道。震子巽丑。坎寅離卯。艮辰兌巳。皆以從男爲道也。然坤何以不起丑而從乾。曰坤外三爻丑亥酉。與乾內三爻子寅辰相應。坤內三爻未巳卯。與乾外三爻午申戌相應。蓋天地大矣。遠而相應。六子小矣。近而相比也。且應以理相得。乾坤之大正也。震巽比而相合。情也。而幾於理矣。

坎離艮兌比而非合。此所以天地不變而人事不齊也。

夏正建寅 新圖

庚子
 辛丑
 壬寅
 癸卯
 甲辰
 乙巳
 丙午
 丁未
 戊申
 己酉
 庚戌
 辛亥
 壬子
 癸丑
 甲寅
 乙卯
 丙辰
 丁巳
 戊午
 己未
 庚申
 辛酉
 壬戌
 癸亥

離夏

張

庚

庚

乾

節曰天地節
 而四時成
 艮
 當前也

庚子
 辛丑
 壬寅
 癸卯
 甲辰
 乙巳
 丙午
 丁未
 戊申
 己酉
 庚戌
 辛亥
 壬子
 癸丑
 甲寅
 乙卯
 丙辰
 丁巳
 戊午
 己未
 庚申
 辛酉
 壬戌
 癸亥

說卦曰兌正秋也。則震春離夏坎冬明矣。離兌爲革。曰天地革而四時成。有坤居其介而妙於轉也。故象曰已日乃孚。爻之三四其介也。故皆言有孚。雖五亦言有孚。然曰未占有孚。孚在先矣。先卽三四也。兌坎爲節。曰天地節而四時成。節止也。得艮當其前而復爲始也。故象曰苦節不可貞。爻之上臨乎前矣。故曰苦節貞凶。蓋坎爲萬物所歸。上居極將恐成終而無以成始也。夫四時之行。啟閉而已。離兌相遇。火烈金鑠。啟而不可閉。有坤而轉克爲生。則伏金代火而一氣相嬪。兌坎相次。金寒水下。閉而不能啟。得艮而用。

克爲生。則攝水生木而植根不傾。由啟而閉用在中。坤以順而成變化之運。閉極而啟用在首。艮以成終成始而握闔闢之樞。故夏后氏建寅。寅首歲。則寅卯木也。而爲春。巳午火也。而爲夏。申酉金也。而爲秋。亥子水也。而爲冬。辰未戌丑土也。而分王其季。五氣順布。時孰正於此乎。彼建子爲天正。一陽生子卽爲春。四陽壯卯卽爲夏。一陰生午卽爲秋。四陰盛酉卽爲冬。立義亦精。然雷在地中復。先王以之閉關矣。建丑爲地正。地以順天爲義。王當順天與地一也。用意亦善。然丑雖建而不能爲首。蓋子爲天正。卽爲天統。寅

爲人正卽爲人統。惟天爲大。惟人則之。故皆能爲首。周建子。而祭祀諸大事多沿夏令。是兼用寅也。夏建寅。自漢武帝元朔以來皆因之。然年之首月用寅。日之首時必用子。是兼用子也。三正正始。丑爲地始。故可建以爲正。然非能首春而冠月也。卽以一日言。亦未有以丑爲時之首者也。蓋丑雖地始。然當陽長之候不能爲統。統在未也。故曰西南得朋。東北喪朋也。商書伊訓曰。惟元祀十有二月乙丑。大甲中篇曰。惟三祀十有二月朔。是大事皆以十二月行之。丑雖建而十二月之名不改。蓋地於天爲妻道。於人爲母道。


安貞之義也。乃三正見於甘誓。從古已然。而唐虞以
殷仲春。與二月東巡。卽建寅也。何獨爲夏時。蓋三聖
相承。其欽若授時之宜。講而愈精。夏后氏又當地平
天成。法制漸備。而商周咸其所範圍矣。是知夫子云
行夏之時者。法其因時立政。非僅用之爲正朔已也。

歸藏遺義

歸藏者。黃帝本先天方圖而作。商人因以建丑也。卦首純坤。名歸藏。歸藏亡久矣。然先天方圖在焉。其理未亡也。河圖由一二三四而五。由六七八九而十。五十入而居於中。歸藏之義也。五十盪爲方圖之六十。四卦也。因乾成坤。坤旣成。則乾具坤中。故以純坤爲首也。地闢爲丑會。故商人建丑也。方圖成而直圖出。其卦亦由乾至坤。蓋萬物之終莫不歸而藏於地。地所以爲歸藏。而萬物則歸而藏之者也。

地闢圖

坤




乾

物生圖

乾

坤



地闢圖八疊而分八宮。其序由下而上。極下爲乾宮。乾宮之初爲乾。極上爲坤宮。坤宮之末爲坤。乾其端也。坤其委也。物生圖相次而分八宮。其序由右而左。前右爲乾宮。亦乾宮之初爲乾。後左爲坤宮。亦坤宮之末爲坤。乾其首也。坤其尾也。乃地則承天而物咸隨天。天之妙用見平時而循環爲用。故地闢圖因端至委。而委且爲端。物生圖由首及尾。而尾卽爲首。端委首尾之相因。蓋在時之子乎。

八卦屬五行例

乾

陽金

兌

陰金

離

火

震

陽木

巽

陰木

坎

水

艮

陽土

坤

陰土

朱氏元昇曰。金。木。土。之卦。分陰分陽。以爲偶。水火之卦。何無偶也。蓋乾純陽。坤純陰。震艮成於陽。巽兌成於陰。陰必偶以陽。陽必偶以陰。所以有偶也。坎陰含陽。離陽含陰。陰陽之精互藏其宅。所以無偶也。八卦五行本難齊也。造化之妙。布金。木。土。之卦爲六。約水火之卦爲二。故能齊其所難齊。

六十四卦屬五行例

乾

陽金

夬

陰金

賁

火

姤

陽木

蠱

陰木

需

水

畜

陽土

泰

陰土

履陽金兌陰金睽火燧陽木率陰木節水損陽土臨陰土

夙陽金革陰金離火豐陽木家陰木贍水賁陽土翼陰土

姤陽金隨陰金噬火震陽木益陰木屯水頤陽土復陰土

姤陽金遯陰金鼎火恆陽木巽陰木井水蠱陽土升陰土

訟陽金困陰金濟火解陽木渙陰木坎水蒙陽土師陰土

遯陽金咸陰金旅火過陽木漸陰木蹇水艮陽土謙陰土

否陽金萃陰金晉火豫陽木觀陰木比水剝陽土坤陰土

朱氏元昇曰。八卦重為六十四卦。分為八宮。即其外


體以分五行。八周於八宮。而乾兌宮有金之金。金之

火。金之木。金之水。金之土。離宮有火之金。火之火。火

之木。火之水。火之土。震巽宮有木之金。木之火。木之木。木之水。木之土。坎宮有水之金。水之火。水之木。水之土。艮坤宮有土之金。土之火。土之木。土之水土之土。以五行配六十四卦。初不見其不足。一行中各具五行。亦不見其有餘。

周易道陰陽而寓五行。連山歸藏分五行而具陰陽。連山五行順布。時之所由正乎。歸藏五行錯居。音之所由生乎。連山幹枝納於卦。而幹枝或分或合。卦經也。幹枝緯也。歸藏卦應於幹枝。而卦則或顯或藏。幹枝用也。卦體也。

幹枝生於卦 新圖




包犧則圖畫卦。判爲陰陽。顯爲五行。五行運而十幹具焉。氣以成質爲五材。五材聚而十二枝成焉。故三八震巽也。爲甲乙。四九兌乾也。爲庚辛。一六坎也。爲壬癸。二七離也。爲丙丁。五十艮坤也。爲戊己。寅卯卽甲乙也。申酉卽庚辛也。亥子卽壬癸也。巳午卽丙丁也。辰戌卽戊己也。乃一二三四五六七八九運於外。以坎離納艮坤之五十。而十幹具。是五行重在木火金水。而土則附之而行。故戊居水木之介。巳在火金之間也。五包一二三四。十包六七八九。故木火金水分王四方。土亦爲四。而十二枝成。是五材重在

土。而木火金水與之爲體。故丑聯水木而金之精亦收。辰含木火而水之流亦歸。未間火金而木之實亦結。戌涵金水而火之氣亦藏也。連山卦用後天。而分宮納甲必本先天。蓋明體斯可達用也。歸藏卦本先天。而幹枝納音必用後天。蓋由用斯可推體也。

幹枝分陰分陽圖

幹枝前陽後陰圖



十幹。甲陽木。乙陰木。丙陽火。丁陰火。戊陽土。己陰土。庚陽金。辛陰金。壬陽水。癸陰水也。十二枝。亥陰水。子陽水。丑陰土也。寅陽木。卯陰木。辰陽土也。巳陰火。午陽火。未陰土也。申陽金。酉陰金。戌陽土也。五行之陰陽。枝有定位。幹則五陽迭運於六陽枝之上。五陰迭運於六陰枝之上。而無專位。然陽幹必乘陽枝。陰幹必乘陰枝。則亦有定位矣。幹枝所以合也。又幹則甲乙丙丁戊爲前爲陽。己庚辛壬癸爲後爲陰。枝則子丑寅卯辰巳居前爲陽。午未申酉戌亥居後爲陰。枝以六爲紀。子午其始也。寅申其限也。巳亥其終也。陽

以申爲限。故子至申其數九。丑八寅七卯六辰五巳四。蓋皆以申爲限也。陰以寅爲限。故午至寅其數九。未八申七酉六戌五亥四。蓋皆以寅爲限也。幹以五爲紀。故甲同子數。乙同丑數。丙同寅數。丁同卯數。戊同辰數。至巳則越巳而同午數。庚同未數。辛同申數。壬同酉數。癸同戌數。至甲復越亥而同子數。蓋枝有終幹無終也。然十幹依枝亦既有定數矣。策數所以行也。

陰陽分限始終新圖



子爲陽始。至巳六陽而乾體全。午爲陰始。至亥六陰而坤體全。由巳至申爲否。乾內體變。故爲陽之限。至亥爲坤。乾外變亦變。故爲陽之終。由亥至寅爲泰。坤內體變。故爲陰之限。至巳爲乾。坤外體亦變。故爲陰之終。終則藏矣。藏者坤也。非乾也。故巳亥之數與幹無配也。乃後五幹雖同枝數而非其位。其以陽乘陽以陰乘陰。仍不紊焉。獨陽不生。獨陰不成。陰陽相比。音所由出也。終始之交。音所由藏也。

幹枝陰陽相比策數納音例

金四九數自能成音從本數

火二七數因水成音從水數一六

木三八數自能成音從本數

水一六數因土成音從土數五十

舊不取
十今增

土五十數因火成音從火數二七


朱氏元昇曰。幹枝策數除十不用。餘一與六爲火。餘二與七爲土。餘三與八爲木。餘四與九爲金。餘五爲水。蓋水本無音。因土激之則有音。故水居五土之數。火本無音。因水湊之則有音。故火居一六水之數。土

本無音。因火陶之。則有音。故土居二七。火之數。惟木
金自成其音。故不易其數。

按策數除十不用。謂金火木水有零數者耳。如云土
不用十。非也。納音土數皆適滿二十三十。並無餘五
數者。觀需節諸卦可見矣。猶大衍揲之以四。其終也
恰有四數。亦即用四也。大衍之策以象四時。五不用
十亦不用也。納音之策以象五行。五當用。十亦當用
也。

歸藏六甲納音應六十四卦圖

卷下三十四



庚子年

辛丑年

壬寅年

癸卯年

甲辰年

乙巳年

丙午年

丁未年

戊申年

己酉年

庚戌年

辛亥年

甲子年

乙丑年

丙寅年

丁卯年

戊辰年

己巳年

庚午年

辛未年

壬申年

癸酉年

甲戌年

乙亥年

朱氏元昇曰。萬物盈宇宙。孰非造化之顯。諸仁顯諸仁者。實藏諸用者爲之也。說卦曰。坤以藏之。蓋造化之真機在此矣。然一元有一元之造化。已午亥子之會爲之藏。一歲有一歲之造化。夏至冬至爲之藏。一日有一日之造化。日中夜半爲之藏。六十四卦藏者十六。用者四十八。坤統藏卦。乾統用卦。乾坤所以首六十四卦。有藏斯有用。坤所以又首乾也。包犧畫卦。首乾終坤。黃帝造六甲。首甲子終癸亥。癸亥甲子之間。一元終始之會也。剝隸癸亥。而比則癸亥之用卦。坤隸甲子。而乾則甲子之用卦。故歸藏曰。坤乾也。嘗

閱史有紀黃帝咸池之樂曰。無首無尾。蓋歸藏首坤
尾剝藏音屬土。萬物皆歸而藏諸土。此咸池所以無
首無尾歟。巳亥爲陰陽之終。子午爲陰陽之始。巳
午亥子之間。數必交。音必藏。交則生機不息。藏則化
機不露。故癸亥甲子數交二十七。音藏土卦。剝坤隸
之。巳巳庚午數交三十。音藏水卦。需隸之。乙亥丙子
數交二十八。音藏木卦。歸妹中孚隸之。辛巳壬午數
交二十六。音藏火卦。離隸之。丁亥戊子數交二十四。
音藏金卦。无妄隨隸之。癸巳甲午數交二十七。音藏
土卦。頤復隸之。巳亥庚子數交三十。音藏水卦。井隸

之。乙巳丙午數交二十八。音藏木卦。解渙隸之。辛亥
壬子數交二十六。音藏火卦。旅隸之。丁巳戊午數交
二十四。音藏金卦。否萃隸之。蓋包犧衍八卦爲六十
四卦也。屬金木土之卦各十六。屬水火之卦各八。不
能增水火之卦使之多。不能損金木土之卦使之少。
因乎卦象之自然而已。黃帝造六甲納音也。用音六
十。藏音二十。不能備每宮用音而使之足。不能泯每
宮藏音而使之無。亦因乎聲音之自然而已。故凡遇
外體爲坎離。則六甲耦其數。六十四卦奇其象。凡值
巳午亥子之交。則五行虛其位。六十四卦備其象。而

易學啟蒙補

卷下


易學啟蒙補

柔

象與音協。音與象應矣。乃易卦六十四。歸藏用卦止四十八者。八卦爲六十四卦之祖。八卦之爻四十八。又三百八十四爻之祖。舉其宏綱。撮其樞要。此歸藏所以以四十八卦爲用歟。然八卦之四十八爻。旣爲用卦之綱領。而八卦中之坤與離。何以在藏卦之列。蓋卦有用之用。有藏之用。藏於不用。乃所以爲用也。黃帝命大撓造甲子。伶倫造律呂。以十幹加十二枝。合之爲六十。以五聲周十二律。合之亦六十。故甲子藏坤納乾。至癸亥納比藏剝。遂與犧卦無不脗合。蓋卦雖六十四。而卦之策數止於六十。老陽三十六。

老陰二十四。合之爲六十。少陽二十八。少陰三十二。
合之亦六十也。

律呂旋宮圖



按六律六呂各分五聲。於是旋相爲宮而隔八相生。呂覽鴻烈馬班皆然。蓋律之隔八而生呂。遠其宗而得偶二姓之好也。呂之隔八而生律。近其父而相次。似續之義也。孟氏康踵內經之言曰同類娶妻。謂黃鍾以大呂爲妻。同類可娶妻。魯昭不足譏矣。朱氏元昇宗之何爲哉。

商正建丑新圖



歸藏首坤。坤交甲子。商正何以建丑。蓋坤之體藏於子。而其用見於丑。丑本大呂之位。其衝爲未。而林鍾位焉。黃鍾隔八生林鍾。爲娶妻。娶者由外入內。林鍾遂居大呂位矣。林鍾之本位。隔八生太族。子嗣父也。黃鍾九寸應子。得天統。林鍾六寸應未。得地統。太族八寸應寅。得人統。林鍾由未居丑。丑爲地闢之會。故商正建丑。坤順承天。天之功成於地。坤厚載物。物之生由於地。故曰至哉坤元。是建丑之義也。